



ԱՌԱՋՆՈՐԴԱՐԱՆ ՀԱՅՈՑ

Ա.Մ. ՆԱՀԱՆԳՆԵՐՈՒ ԱՐԵՄՏԵԱՆ ԹԵՄԻ

WESTERN PRELACY

OF THE ARMENIAN APOSTOLIC CHURCH OF AMERICA

H.E. ARCHBISHOP MOUSHEGH MARDIROSSIAN, PRELATE

Tel: 818-248-7737/8, Fax: 818-248-7745

E-mail: info@westernprelacy.org Website: www.westernprelacy.org



ԱՐԵՎԵԼԵԱՆ ՈՂՂԱՓԱՌ ԵԿԵՂԵՑԻՆԵՐՈՒ ԿԻՐԱԿՆՕՐԵԱՅ ԴՊՐՈՑՆԵՐՈՒ ԱՇԱԿԵՐՏԱԿԱՆ ՀԱՄԱՔ

Արեւելեան Ուղղափառ Եկեղեցիներու Առաջնորդներու խորհուրդը, հովանաւորութեամբ եւ առաջնորդութեամբ Հայ Առաքելական, Ասորի Ուղղափառ եւ Ղըպտի Ուղղափառ Եկեղեցիներուն, տարուան ընթացքին միատեղ պատարագ, եկեղեցական արարողութիւններ, եկեղեցականաց հաւաքներ, երիտասարդաց թէ աշակերտական աշխատանքային հանդիպումներ կը կազմակերպէ:

Միջ-թեմական կիրակնօրեայ վարժարաններու կազմակերպիչ յանձնախումբին նախաձեռնութեամբ ու հովանաւորութեամբ Արեւելեան Ուղղափառ Եկեղեցիներու Առաջնորդ Սրբազան Հայրերուն, Շաբաթ, 20 Նոյեմբեր 2010ին, տեղի ունեցաւ միջ-կիրակնօրեայ վարժարաններու աշակերտական 6-րդ միօրեայ դաստիարակչական ծրագրով տարեկան հաւաքը, Նորթրիճի Ս. Մարիամ Ղպտի եկեղեցւոյ մէջ, առաւօտեան ժամը 9:30-էն յետմիջօրէ ժամը 3:00:

Ս. Պատարագը մատուցեցին Ղպտի Ուղղափառ Եկեղեցւոյ Առաջնորդ Գերշ. Տ. Սերաբիոն Եպիսկոպոսը, Ասորի Ուղղափառ Եկեղեցւոյ Առաջնորդ Գերշ. Տ. Եուճին Քափլան Արքեպիսկոպոսը եւ Բարձր. Տ. Մուշեղ Արք. Մարտիրոսեան: Ներկայ էին թեմիս Քրիստոնեական Դաստիարակութեան բաժանմունքի զոյգ վարիչներ՝ Գերայ. Տ. Միւռն Ճ. Վրդ. Ազնիկեան, Հոգշ. Տ. Պարթեւ Վրդ. Կիւլիմեան, եւ Արժ. Տ. Արտակ Քհնյ. Տեմիրճեան, Արժ. Տ. Ռազմիկ Քհնյ. Խաչատուրեան, Տ. Աշոտ Քհնյ. Գամպուրեան եւ քոյր եկեղեցիներու հոգեւորականներ:

Քոյր եկեղեցիներու հոգեւորականներ եւ աշակերտներ իրենց մայրենի լեզուներով Պատարագի երգեցողութեան մասնակցեցան: Աշակերտական հաւաքին նշանաբանը Քրիստոսաւանդ այն պատուիրանն էր, ուր կ'ըսուէր. «*Ձգեցէք որ մանուկները ինծի գան, արգելք մի՛ ըլլաք անոնց, որովհետեւ այդպիսիներուն է Աստուծոյ արքայութիւնը*» (Ղուկաս 18:16):

Ս. Պատարագի ընթացքին աշակերտներ Ս. Հաղորդութիւն ստացան, իսկ աւարտին՝ Առաջնորդ Սրբազաններ իրենց քաջալերական ու սրտի խօսքը փոխանցեցին Կիրակնօրեայ դպրոցներու աշակերտութեան:

Հաւաքական խմբանկարէ եւ ճաշէ ետք, շուրջ հարիւր յիսուն աշակերտներ, տարիքի համաձայն, բաժնուեցան խումբերու եւ վարիչ-ուսուցիչներու առաջնորդութեամբ տեղի ունեցաւ սուրբ գրային մրցում

Ղուկաս Աւետարանի 13-24 գլուխներուն վրայ: Յաղթական խումբեր ստացան բաժակներ, իսկ մրցումին մասնակցող աշակերտներ՝ յատուկ ժապաւեններ:

Միօրեայ դաստիարակչական հաւաքի աւարտին, աշակերտներ, դաստիարակ ուսուցիչ-ուսուցչուհիներ, քրիստոնէական հաւատքի եւ հաւաքական կեանքի օրինակելի մթնոլորտի մէջ փոխադարձ փորձառութիւններով հարստացած՝ գոհունակ սրտով վերադարձան իրենց շրջանները:

7TH ANNUAL ORIENTAL ORTHODOX CHURCHES SUNDAY SCHOOL BIBLE COMPETITION HELD

On Saturday, November 20th, 2010, the 7th annual Oriental Orthodox Churches Sunday School gathering and Bible competition was held at St. Mary's Coptic Church in Northridge. The event was held under the auspices of H.E. Archbishop Moushegh Mardirossian, Prelate, H.E. Archbishop Mor Clemis Eugene Kaplan, and H.G. Bishop Serapion.

The Prelate was accompanied by Very Rev. Fathers Muron Aznikian and Barthev Gulumian, Rev. Fr. Ardak Demirjian, Rev. Fr. Razmig Khatchadourian, and Rev. Fr. Ashod Kambourian.

A total of 130 Sunday School students participated in the event, which began with Divine Liturgy, celebrated jointly by the three Prelates. At the conclusion of the service, the Prelates welcomed the students and conveyed their message on this occasion.

The Bible competition then began with three teams from each age group. After all the teams were tested, everyone gathered in the church for the announcement of the winning teams. The winning team members were presented with religious trophies, and all students in the competition were given an award ribbon and a group photo.